



Lebg n ti puus, ti fo ka puus nand ye

Yii a Abu Hurayrat nengẽ, (Wẽnd yard be a yĩnga): Tı ad Wẽnd Tẽn-tuumã (Wẽnd puusg la A tılgı be a yĩnga) a kẽe miisrẽ wã, ti rao kẽ n puuse, la a ning Nabiyaamã sallem (Wẽnd puusg la A tılgı be a yĩnga), ti Nabiyaamã reeg a sallemã, la a yeele: « Lebg n ti puus, ti fo ka puus nand ye». T'a lebg n tug n puus wala a sẽn da puusã, rẽ poorẽ, t'a wa n ning Nabiyaamã sallem (Wẽnd puusg la A tılgı be a yĩnga), t'a yeele: «Lebg n tug n puuse, ad fo ka puus ye». Noor a tãabo, ti nedã yeele: m wẽn ne Naab ning sẽn tumsa foom ne sıdã, mam ka mi Puusg sẽn yud woto ye. Tı Nabiyaamã yeele: «Fo sã n yik n na n puuse, bı f yeel Allaahu Akbaru, rẽ poorẽ bı f karem sẽn yaa yol-yol ne foom Alkurãanẽ wã, rẽ poorẽ bı f maan Rukuu halı ti f yĩnsã wa tug n yõgneg ti fo be Rukuuẽ wã, rẽ poeẽ bı f roog n wa tug n tẽeg n yalse, rẽ poorẽ bı f maan suguudu halı ti f yĩnsã wa tug n yõgend taaba, ti f yaa sẽn be suguudẽ wã, rẽ poorẽ bı f roog ti f yĩnsã wa tug n yõgne, ti f yaa sẽn zı, la f maan f Puusgã fãa woto».

[Naşun Şahuhun (Gom-sikdem sẽn manege)] [B zemsa taab a zugu (A Al-Buħariy la a Muslim n reeg-a)]

Nabiyaamã (Wẽnd puusg la A tılgı be a yĩnga) kẽe miisrẽ wã, ti rao kẽ a kõomã poorẽ, n puus rakaar a yiibu, ne yãgb tuul-tuulle, a ka tall yĩn-yõgnego, a yalsgẽ wã la a rukuuẽ wã la a suguudẽ wã ye, la Nabiyaamã (Wẽnd puusg la A tılgı be a yĩnga) ra get-a lame, t'a wa Nabiyaamã nengẽ (Wẽnd puusg la A tılgı be a yĩnga) la a ra zıi miisra kırẽngẽ n ninga sallem, t'a reeg a sallemã, la a yeel-a: Lebge! N tug n yılm f Puusgã, ti ad fo ka puus ye. T'a lebg n tug n puus tuul-tuulle wala a sẽn da puusã, rẽ poorẽ t'a wa ning Nabiyaamã sallem (Wẽnd puusg la A tılgı be a yĩnga), t'a yeel-a: Lebge! N tug n yılm f Puusgã, ti ad fo ka puus ye. A maana woto noor a tãabo. Tı raoã yeele: m wẽn ne Naab ning sẽn tumsa foom ne sıdã, m ka mi Puusg sõmblem sẽn yud woto ye, bı f wilg-ma, ti Nabiyaamã yeel-a (Wẽnd puusg la A tılgı be a yĩnga): F sã n na n yik n tug Puusgẽ, bı f maan rẽnem Allaahu akbaru wã, rẽ poorẽ bı f karem Alhamdo, la f sẽn tõe n karem Alkurãanã pugẽ, rẽ poorẽ bı f maan rukuu halı n wa yõgneg Rukuuẽ wã, n rik f tal a yiibã n rogl f rũmã zugu, la f tẽeg f poorã n modg n zõond sõma Rukuuẽ wã, n maan rukuu wã sõma, rẽ poorẽ ti f rooge, n tẽeg f poorã halı ti kõbr fãa lebg a zıigẽ, ti f yaa sẽn yãse, rẽ poorẽ ti f maan suguudu, halı n wa tug n yõgnege suguudẽ wã, la rẽnã yaa modg t'a riirã ne a yõorã ta Tẽngã, la a nus-tal a yiibã la rũm a yiibã, la nus-bi wã fãa ta Tẽngã, rẽ poorẽ bı f rooge, halı n wa tug n yõgneg n zıẽ suguud a yiibã suka, rẽ poorẽ bı f maan woto rakaar fãa sẽn be f Puusgã pugẽ.

النجاة الخيرية
ALNAJAT CHARITY

